

Тошкент шаҳар Юнусобод тумани Давлат
хизматлари маркази томонидан “04 06
2018 йил 63706 - сонли қарори билан
давлат руҳида олинган

Ўзбекистон Республикаси Олий ва ўрга
маҳсус таълим вазирлигининг “31 май
2018 йил 484 - сонли буйруғи билан
тасдиқланган



ЎЗБЕКИСТОН ЖУРНАЛИСТИКА ВА ОММАВИЙ КОММУНИКАЦИЯЛАР УНИВЕРСИТЕТИНИНГ

У С Т А В И

Тошкент 2018 йил

Ўзбекистон журналистика ва оммавий коммуникациялар университети

УСТАВИ

I. Умумий қоидалар

1. Ўзбекистон журналистика ва оммавий коммуникациялар университети (кейинги ўринларда “Университет”) Ўзбекистон Республикаси Президентининг 2018 йил 24 майдаги “Ўзбекистон журналистика ва оммавий коммуникациялар университетини ташкил этиш тўғрисида”ги ПҚ-3737-сон қарорига асосан ташкил этилган бўлиб, Олий ва ўрта маҳсус таълим вазирлигининг таркибиغا киради.

2. Университет давлат олий таълим муассасаси ҳисобланаб, олий таълимнинг асосий ва қўшимча таълим дастурларини бажариш бўйича таълим фаолияти билан шуғулланади, Ўзбекистон Республикасининг қонун хужжатларига мувофиқ ўқув-педагогик ва илмий-методик ва бошқа фаолиятни амалга оширади ҳамда таълим хизматларини кўрсатади.

3. Университет ўз фаолиятида Ўзбекистон Республикасининг Конституцияси, “Таълим тўғрисида”ги қонуни, Кадрлар тайёрлаш миллий дастури, Олий Мажлис палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Вазирлар Маҳкамасининг қарорлари ва фармойишлари, Олий ва ўрта маҳсус таълим вазирлигининг норматив-хукукий хужжатлари ва мазкур Уставга амал қиласади.

4. Университет юридик шахс ҳисобланади. Оператив бошқарувида ўзига хос маҳсус мол-мулкка эга ва ушбу мол-мулк бўйича ўз мажбуриятларига мувофиқ жавоб беради, ўз номидан мол-мулк сотиб олиши ва мулкий ҳамда номулкий хуқуқларни амалга ошириш, зиммасига мажбурият олиши, судда даъвогар ва жавобгар бўлиши мумкин.

Мустақил балансга, банк муассасаларида ҳисоб-китоб ва бошқа, шу жумладан, валюта бўйича ҳисоб рақамларига, Ўзбекистон Республикаси давлат герби тасвири туширилган ва ўз номи ёзилган муҳрга, штамплар ва бошқа реквизитларга эга.

Университет жойлашган манзил: 100017, Тошкент шаҳри, Юнусобод тумани, Марказ-5, 88-үй.

Ҳисоб рақами: _____

Солиқ тўловчининг идентификация рақами: _____

ш/р: Ўзбекистон Республикаси Марказий банки МФО: _____

СТИР: _____

ОКОНХ: _____

Ўзбекистон журналистика ва оммавий коммуникациялар университети
O'zbekiston jurnalistika va ommaviy kommunikatsiyalar universiteti

II. Университетнинг асосий вазифалари

5. Университетнинг асосий вазифалари қуидагилардан иборат:

- журналистика соҳасининг ўзига хос хусусиятлари, илмий-назарий, фалсафий-эстетик асослари ва замонавий медиатехнологияларни чукур ўзлаштирган, миллий ва халқаро стандартлар даражасида юкори малакали журналист кадрлар тайёрлашни таъминлаш;
- шахснинг интеллектуал, маданий ва маънавий-аҳлоқий камол топишига бўлган эҳтиёжларини олий таълим ва олий таълимдан кейинги таълим босқичларида маълумот олиши орқали эришишни қондириш;
- иқтисодиётнинг тегишли соҳалари бўйича олий маълумотли мутахассисларни ва илмий-педагог кадрларни тайёрлаш, қайта тайёрлаш ва малакасини ошириш;
- олий таълимдан кейинги таълим бўйича фаннинг фалсафа доктори, фан доктори ва мустақил изланувчи сифатида олий малакали илмий-педагог кадрлар тайёрлаш;
- жамиятнинг аҳлоқий, маънавий-маърифий, маданий ва илмий қадриятларини сақлаш ва бойитиш;
- аҳоли ўртасида билимларни тарқатиш, унинг маънавий-маърифий ва маданий, хуқукий даражасини кўтариш;
- илмий-педагог ҳодимлар ва таълим олувчиларнинг илмий-тадқиқотлари ва ижодий фаолиятлари орқали фанни тараққий эттириш, олинган натижалардан таълим жараёнида фойдаланиш;
- ҳар томонлама ривожланган ва содик шахсни, мустақил давлат фукаросини ўз Ватани фидойиси, халқ, жамият ва оила олдидаги ўз маъсулиятини ҳис килувчи, миллий ва умуминсоний қадриятларни ҳурмат килувчи, халқ анъаналарини бойитувчи ва мустаҳкамловчи, Ватанимиз келажаги учун вижданан ва ҳалол меҳнат қилувчи этиб шакллантириш;
- мамлакатимизнинг оммавий коммуникация ва журналистика соҳасида эришган ютуклари, хорижий мамлакатлар таълим муассасаларининг тажрибаси ва ҳудудларда фаолият олиб бораётган оммавий ахборот воситаларининг талаб ва эҳтиёжларини ҳисобга олган ҳолда, тегишли йўналишлар ҳамда мутахассисликлар бўйича ўкув-услубий адабиётларни яратиш, шунингдек, ўкув жараёнига замонавий ахборот технологияларини ва масофадан ўқитиши усулларини жорий этиш;
- журналистика ва оммавий коммуникациялар соҳасининг барча йўналишлари бўйича таълим жараёнини амалиётга йўналтирилган моделини жорий этиш ва амалга ошириш;
- миллий иқтисодиётнинг тегишли тармоқлари бўйича устуворликка эга бўлган ва ишлаб чиқариш эҳтиёжларидан келиб чиқкан ҳолда илмий-

тадқиқот ишларини олиб бориш ва натижаларини амалиётга тадбиқ қилиш;

- журналистика ва оммавий коммуникациялар соҳасида республика ва халқаро кўламда илмий-амалий анжуманлар ташкил этиш;
- олий таълим муассасалари талабалари ўртасида журналистика ва оммавий коммуникациялар соҳасида танлов ва олимпиадалар ўтказиш;
- интернет журналистикаси, матбуот, телерадио, жамоатчилик билан алокалар, ноширлик иши, халқаро журналистика, медиаменежмент, медиамаркетинг ва реклама, медиадизайн, ахборот хавфсизлиги ва бошқа соҳага тегишли йўналишларида замонавий ўқув адабиётларини ишлаб чиқиши, уларнинг мультимедиали авлодларини яратиш ҳамда талабалар, олимлар ва педагогларнинг ушбу ўқув адабиётларидан эркин фойдаланишлари учун уларни электрон ресурсларга жойлаштириш;
- иктидорли талабалар, ёш олимлар ва профессор-ўқитувчиларнинг истиқболли илмий-тадқиқот ишлари натижалари ва илмий мақолалари даврий равища эълон қилиб бориладиган илмий журнални таъсис этиш ва уни белгиланган тартибда ОАК рўйхатидан ўтказиш, етакчи халқаро илмий журналлар тармоқларига улаш;
- Университет бинолари ва унга тегишли объектларда умумий овқатланиш, ошхона, буфетларни ташкил этиш ва фаолиятини юритиши.

III. Ўқув-тарбиявий ва илмий-методик ишларнинг субъектлари, уларнинг ҳуқуқ ва мажбуриятлари

a) Талабалар:

6. Университетга талабаларни қабул қилиш қонунчиликда белгиланган тартибда умумий ўрта, ўрта маҳсус, қасб-хунар таълими маълумотига эга бўлган шахслар аризаларига биноан Ўзбекистон Республикаси олий таълим муассасаларига талабаларни қабул қилиш тартиби ва қоидаларига мувофиқ Ўзбекистон Республикаси таълим муассасаларига қабул қилиш бўйича Давлат комиссияси томонидан тест синовлари натижаларига кўра тўпланган балларнинг рейтинг тизими бўйича амалга оширилади. Университетда ўқиш кундузги (бакалавриат ва магистратура), сиртқи, олий журналистика курслари шаклида ташкил этилади.

Университетга қабул барча учун (грант, тўлов-контракт бўйича) тенг ҳуқуқлилик, ягона қабул қоидалари ва ягона танлов асосида амалга оширилиб, ижодий имтихон натижалари ва тест синовларида энг юқори балл тўплаган абитуриентларнинг давлат грантлари бўйича биринчи навбатда қабул қилиниш ҳуқуки таъминланади. Қолган аббитуриентлар ижодий имтихон натижалари ва тест баллари рейтинги асосида белгиланган тўлов-контракт квоталари доирасида қабул қилиниш ҳуқукига эгадирлар. Қонунчиликка мувофиқ тест синовларисиз муайян имтиёз асосида ҳам ўкишга қабул қилиш кафолатланади.

Амалдаги қонунчиликка асосан хорижий фуқароларни ўқишига қабул қиласди.

Шунингдек, университетга олий (иккинчи ва кейинги таълим) маълумотга эга бўлган шахслар Ўзбекистон Республикаси таълим муассасаларида иккинчи ва ундан кейинги таълимни олиш тартиби тўғрисидаги Низомга мувофиқ белгиланган квота доирасида ўқишига қабул қилиниши мумкин.

Университет ректорининг буйруги билан ўқишига қабул қилинган шахс университетнинг талабаси ҳисобланади. Талабага талабалик гувоҳномаси ҳамда рейтинг дафтарчаси бепул берилади.

7. Университетнинг талабалари қўйидаги ҳуқуқларга эга:

- фан, техника, замонавий технологиялар ютуқларига мос келувчи билимлар олиш;
- университет ахборот-ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланиш;
- бепул маслаҳатлар ва тавсиялар олиш;
- аудиториялар, таълим жараёнига оид воситалардан ўрнатилган тартибда бепул фойдаланиш;
- таълим жараёни самарадорлиги ва таълим сифатини ошириш юзасидан ўз таклиф-мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдириш ва уларни кўриб чиқилишини талаб қилиш;
- университет ва факультет миқёсида ўтказиладиган оммавий тадбирларда иштирок этиш;
- илмий-тадқиқот ишларида ва илмий конференцияларда катнашишга ва уларнинг натижаларини нашр этишга ва бу ҳакда ахборотлар бериш;
- университет қонуний равишда фаолият юритаётган жамоат бирлашмаларига аъзо бўлиш ва улар ишида катнашиш;
- ўқишдан бўш вақтларида олий таълим муассасасининг ўзида, шунингдек, бошқа жойларда меҳнат қонунчилигига мувофиқ ишлаш;
- сифатли ва юкори савияда билим олиши, танлаган ихтисослиги бўйича юкори малакали мутахассис бўлиб этишиш учун зарур бўлган қонун хужжатларига зид бўлмаган бошқа ҳуқуқлардан фойдаланиш.

Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

8. Давлат грантлари ва тўлов-контракт асосида ўқитишнинг ишлаб чиқаришдан ажralган холдаги шаклида таълим олаётган талабалар Ўзбекистон Республикаси Вазирлар Маҳкамаси томонидан белгиланган тартиб ва миқдорда стипендия билан таъминланадилар (хорижий талабалар бундан мустасно).

Талабалар тегишли норматив-хуқуқий хужжатларга асосан Ўзбекистон Республикаси Давлат стипендиялари ва университет ички номдор стипендияларини олиш хуқуқига эгадирлар.

9. Ҳарбий хизматни ўташ, саломатлигини тиклаш, ҳомиладорлик ва туғищ, шунингдек, болаларни парвариш қилиш таътиллари даврида талабага Ўзбекистон Республикаси Олий ва ўрта маҳсус таълим вазирлиги томонидан тасдиқланган тартиб асосида академик таътил берилиши мумкин.

10. Ўзбекистон Республикаси қонун хужжатларига мувофиқ кундузги ўқув шаклида таълим олаётган талабаларга олий таълим муассасасида ўқиётган вакти давомида ҳарбий хизматга чақириш муддатини кечикириш имкони берилади.

11. Университетнинг талабалар турар жойи сифимидан келиб чиқкан ҳолда муҳтож талабалар, университет талабалар турар жойларидан санитария меъёрлари ва қоидаларига жавоб берадиган жой билан таъминланади. Талабалар турар жойи учун тўлов талабалар турар жойларида коммунал-маиший хизматлар учун тўловларни инобатга олиб, университет кенгаши томонидан белгиланади.

Турар жойга муҳтож талабалар мавжуд бўлган ҳолда, олий таълим муассасасининг талабалар турар жойлари майдонидан бошқа мақсадларда фойдаланиш (ижарага бериш, бошқа келишувлар)га рухсат этилмайди.

12. Университетдан ўз ҳохиши ёки узрли сабабларга кўра четлаштирилган талаба Ўзбекистон Республикаси Вазирлар Маҳкамаси томонидан белгиланган талабалар ўқишини кўчириш, қайта тиклаш ва ўқишдан четлаштириши тартиби ва қоидалари асосида қайта ўқишига тикланиш хуқуқига эга.

Университетнинг талабалари белгиланган тартиб ва қоидалар асосида бошқа олий таълим муассасаларига ўқишлирини кўчириш (ўқишига қайта тикланиш) хуқуқига эга.

Ўзбекистон Республикаси ҳудудида таълим фаолиятини олиб бориш учун лицензияга эга бўлмаган нодавлат олий таълим муассасалари ва бошқа мамлакатлар олий таълим муассасаларининг филиаллари (марказлар, бўлимлар, ўқув-маслаҳат пунктлари ва бошқалар)дан талабаларни университетга ўқишини кўчириш (ўқишига тиклаш) тақиқланади.

Талабалар ўқишини бир олий таълим муассасасидан бошқасига кўчириш, қайта тиклаш ва ўқишдан четлаштириш тартиби ва қоидалари Ўзбекистон Республикаси Вазирлар Маҳкамаси томонидан белгиланади.

13. Университет талабалари олий таълимнинг давлат таълим стандартлари, малака талаблари, ўкув дастурлари ва режаларида назарда тутилган билимларни эгаллашлари, топширикларинг барча турларини белгиланган муддатда бажаришлари зарур ҳамда университетнинг уставига, ички тартиб қоидалари, одоб-ахлоқ қоидалари ва талабалар турар жойлари қоидаларига риоя этишлари шарт. Талабалар турар жойи қоидаларига риоя этиш талаби ушбу талабалар турар жойида яшаётган талабаларга тааллукли.

Ўзбекистон Республикаси Ҳукумати қарорларида назарда тутилган ҳоллардан ташкари, талабаларни ўқиши вақти ҳисобидан таълим жараёни билан боғлик бўлмаган ишларга жалб этиш ман этилади

14. Талаба олий таълим муассасасидан қўйидаги ҳолларда четлаштирилиши мумкин:

а) ўз ҳохишига биноан;

б) ўқишининг бошқа таълим муссасасига кўчирилиши муносабати билан;

в) саломатлиги туфайли (тиббий комиссияси маълумотномаси асосида);

г) ўқув интизомини ва олий таълим муассасасининг ички тартиб-коидаларини бузганлиги учун;

д) бир семестр давомида дарсларни узрли сабабларсиз 74 соатдан ортиқ қолдирганлиги сабабли;

е) ўқиш учун белгиланган тўлов ўз вақтида амалга оширилмаганлиги сабабли (тўлов-контракт бўйича таҳсил олаётганлар учун);

ж) талаба суд томонидан озодликдан маҳрум этилганлиги муносабати билан;

з) вафот этганлиги сабабли.

Белгиланган муддатларда фанларни ўзлаштира олмаган (академик қарздор бўлган) талаба университет ректорининг буйруғи билан курсдан қолдирилади.

Университет маъмурияти ташаббуси билан мазкур банднинг “е” кичик бандига кўра талабаларни ўқишдан четлаштириш талабалар касаба уюшмасининг ёзма розилигини инобатга олган ҳолда (касаба уюшмаси аъзоси бўлган талабалар учун) амалга оширилади. Шунингдек, талаба шу банднинг “г” кичик бандига кўра четлаштирилаётган ҳолда, таълим муассасасининг Ёшлиар иттифоқи бошланғич ташкилоти билан ҳам келишилиши мумкин.

Интизомий жазога тортилаётган талаба ўзига қўлланилган жазо чорасининг қонунийлиги ваadolатлилиги юзасидан қонун ҳужжатларида белгиланган тартибда шикоят билан ректорга, вазирлик ёки бошқа ваколатли ташкилотларга мурожаат этиши мумкин.

Талабага нисбатан қўлланилган интизомий жазо юзасидан маълумот унинг шахсий йиғма жилдида сақланади.

Талаба университетдан четлаштирилганда, унга шахсий ҳужжатлари, белгиланган шаклдаги академик маълумотнома топширилади ва уларнинг нусхаси шахсий йиғма жилда сақланади.

Интизомий жазо чоралари талабаларнинг касаллик ёки таътилда бўлган вақти ҳисобга олинмаган ҳолда хатти-харакат аниқлангандан сўнг бир ойдан ва хатти-харакат содир этилганидан сўнг олти ойдан кечиктирилмай қўлланилади. Талабалар касаллик пайтида, академик таътил ёки ҳомиладорлик ва туғиши ҳолати билан боғлик бўлган таътил пайтларда талабаларга интизомий жазо чораларини кўриш ман этилади.

Талаба касал бўлганлиги ўзи ёки унинг ота-онаси томонидан ёзма ариза билан бевосита деканатга, одатда, бир ҳафтадан кечиктирилмасдан маълум қилинади ва тиббий маълумотнома аслини тақдим этади.

б) Тингловчилар:

15. Университет қошида қайта тайёрлаш ва малака ошириш марказида ўқиётган сиртқи ўқиши тартибида ва олий журналистика курсларида ўқиётган шахслар тингловчилар ҳисобланади. Тингловчиларнинг мақоми таълим хизматларини олиш қисми бўйича университетда мувофиқ ўкув шаклида таълим олаётган талабанинг мақоми билан тенглаштирилади.

Кадрларни қайта тайёрлаш ва малакасини ошириш тартиби, тингловчиларни ўқитиш шартлари ва ҳукуқлари қонун ҳужжатларига мувофиқ тегишли норматив-ҳукуқий ҳужжатлар билан белгиланади.

в) Таянч докторант, докторант ва мустақил изланувчилар:

16. Университетнинг таянч докторантлари, докторантлари ва мустақил изланувчилари бўлиб, муайян йўналиш бўйича илмий-тадқиқот олиб бораётган фалсафа доктори (PhD) ва фан доктори (Doctor of Science) илмий даражасини олиш учун диссертация тайёрлаётган шахслар ҳисобланади.

Олий ўкув юргидан кейинги таълимни ташкил этиш бўйича таянч докторантурга фалсафа доктори (PhD), докторантурга фан доктори (Doctor of Science) ва мустақил изланувчи сифатида давом эттириш амалдаги қонун ҳужжатлари асосида амалга оширилади.

г) Университетнинг профессор - ўқитувчилари таркиби, ўкув-ёрдамчи ва маъмурий - хўжалик ходимлари (персонали)

17. Университетда профессор-ўқитувчилар таркиби, илмий ходимлар, мухандислик-техника, маъмурий-хўжалик, ишлаб чиқариш, ўкув-ёрдамчи ва бошқа хизматчилар лавозимлари мавжуд.

Профессор-ўқитувчилар таркибига кафедра мудири, профессор, доцент, катта ўқитувчи, ўқитувчи (ассистент) ва ўқитувчи-стажёр лавозимлари киради.

Хар бир профессор-ўқитувчи хисобига тўғри келадиган талабалар сони нисбатининг чекланган нормативи 1:6,0 нисбатда ўрнатилади.

18. Профессор-ўқитувчилар таркибидаги лавозимларни эгаллаш Ўзбекистон Республикаси Вазирлар Маҳкамасининг 2006 йил 10 февралдаги 20-сонли қарори билан тасдиқланган “Олий таълим муассасаларига педагог ходимларни танлов асосида ишга қабул қилиш тартиби тўғрисидаги низом”га мувофиқ танлов асосида меҳнат шартномаси бўйича амалга оширилади.

Ўзбекистон Республикаси Президентининг 1992 йил 9 март 137-ф-сон, 2005 йил 7 майдаги 2209-ф-сон фармойишларига мувофиқ олий таълим муассасасининг проректори ректор тавсиясига кўра Ўзбекистон Республикаси Президенти девони билан келишилган ҳолда Олий ва ўрта маҳсус таълим вазири томонидан тайинланади. Шунингдек, факультет

декани Олий ва ўрта махсус таълим вазирлиги билан келишилган ҳолда таълим муассасаси ректорининг буйруги билан тайинланади.

19. Университетнинг профессор-ўқитувчилар таркиби ва илмий ходимлари қуйидаги хуқуқларга эга:

- белгиланган тартибда олий таълим муассасаси ва факультет кенгашларига сайлаш ва сайданиш;
- олий таълим муассасасининг фаолиятига тааллуқли масалаларни муҳокама қилишда иштирок этиш;
- олий таълим муассасасининг ахборот-ресурс маркази, ўкув ва илмий бўлинмаларнинг хизматларидан, шунингдек, ижтимоий-маиший, тиббий ва бошқа бўлимлар хизматидан жамоа шартномасига мувофиқ фойдаланиш;
- ўқитишининг услуг ва воситаларини танлаш, ўкув ва илмий жараённинг юкори сифатини таъминловчи илмий-тадқиқот ишларини амалга ошириш;
- олий таълим муассасаси маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;
- қонунчиликда белгиланган тартибда танловларда қатнашиш, лавозимларни эгаллаш;
- хорижий ҳамкасларнинг соҳага доир илмий ва ўкув-услубий адабиётлари билан танишиш ва улар билан фикр алмашиш;
- назарий билимларини амалий тажрибасини, илмий-тадқиқот олиб бориш услубини, педагогик маҳоратини такомиллаштириб бориш;
- талабаларнинг илмий-тадқиқот ишларига раҳбарлик қилиш;
- илмий-тадқиқот ишлари олиб бориш, фундаментал, амалий ва инновация лойиҳалари, хорижий илмий лойиҳалар ҳамда хўжалик шартномаларида иштирок этиш;
- дарслик ва ўкув қўлланмалар тайёрлаш, монография ва илмий мақолалар ёзиш, ихтиро учун патент олиш;
- тасдиқланган режага мувофиқ илмий-тадқиқот ишларини олиб бориш, илмий-тадқиқот ишларининг муҳокамасида иштирок этиш ва уларнинг натижаларини ишлаб чиқаришга жорий этиш, илмий ишлар натижаларини нашр этишга тавсия бериш;
- таълим, фан ва ишлаб чиқаришнинг самарали интеграциясини таъминлашда қатнашиш;
- талабаларнинг илмий-тадқиқот ишларига раҳбарлик қилиш;
- хорижий етакчи олимлар, илмий марказлар ва таълим муассасалари билан халқаро алоқаларни ривожлантиришда иштирок этиш;
- Ўзбекистон Республикасининг таълим соҳасига оид қонунчилигига белгиланган бошқа хуқуқлардан фойдаланиш.

20. Университетнинг профессор-ўқитувчилар таркиби ва илмий ходимларининг мажбуриятлари қуйидагилардан иборат:

- таълим тўғрисидаги қонунчилик, меҳнат ва ижро интизоми, университет Устави, Ички тартиб қоидалари ҳамда одоб ахлоқ қоидаларига қатъий риоя қилиш, ўзининг хизмат вазифаларини вижданан бажариш ва ўз касбига дод туширмаслик;

- иш жараёнида мулоқот қиладиган муассаса ходимлари, талабалари ва бошқа шахслар билан хушфеъл муносабатда бўлиш;
- иш берувчининг қонуний фармойишларини бажариш, ҳар йили тасдиқланадиган шахсий режа асосида ўқув-услубий, илмий ва маънавий-маърифий ишларни ўз вақтида ва сифатли бажариш, хусусан:
 - а) ўқув юкламалари ҳажмини, ўқув-услубий, илмий ўқув-ташкилий ишларни тасдиқланган шахсий режа асосида бажариш ва маънавий-маърифий ишларда иштирок этиш;
 - б) илмий-тадқиқот натижалари бўйича дарслик, ўқув қўлланма тайёрлаш, ўқув абадиётлар, илмий мақолалар, монографиялар ёзиш, ихтиро учун патент олиш;
 - в) таълим, фан ва ишлаб чиқаришнинг самарали интеграциясини таъминлашда қатнашиш, талабаларнинг илмий-тадқиқот ишларига раҳбарлик қилиш;
 - г) тарбиявий ишларни олиб бориш, талабалар билан маънавий-маърифий ишларда бевосита иштирок этиш, шу жумладан дарсдан ташқари вақтларда ўтказиладиган тадбирларда қатнашиш;
 - д) университет Кенгаши томонидан тасдиқланган кафедрада бажариладиган илмий мавзуларда иштирок этиш;
 - е) ўз малакасини мунтазам равишда ошириш;
- меҳнатни муҳофаза қилиш, хавфсизлик техникаси ва ишлаб чиқариш санитариясига доир қоидаларига риоя қилиш;
- университетнинг мол-мулкини авайланш, ундан оқилона фойдаланиш;
- иш берувчига бевосита ўзининг айби билан етказилган ҳақиқий моддий зарарни қоплаш;
- университет жамоатчилик ишларида қатнашиш;
- педагогик ва илмий жараённинг самарадорлигини таъминлаш;
- таълим олувчиларнинг танлаган йўналиши (мутахассислиги) бўйича юксак касбий тайёргарликни, меҳнатга бўлган қобилиятни шакллантириш;
- чет тили ва ахборот технологиялари бўйича саводхонлигини ошириб бориш асосида камида бир ёки иккита хорижий тилни билиши;
- таълим олувчиларда мустақил фикрлаш, ташаббускорлик, ижодий қобилиятни шакллантириш;
- “Устоз-шогирд” тизимида иштирок этиб, ўзига биректирилган шогирдлар билан илмий, маънавий-маърифий, тарбиявий ишларни амалга ошириш;
- ўзининг одоби, маданияти, маънавий савияси билан ўрнак бўлиш;
- кийинниш маданиятига риоя etsish;
- тасдиқланган ички тартиб қоидаларига сўзсиз риоя қилиш;
- республикада амалга оширилаётган ислоҳотлар ва жаҳонда рўй берадиган янгиликлардан хабардор бўлиш;
- университет, факультет, кафедра томонидан ташкил этиладиган маданий, маънавий, маърифий тадбирларда фаол иштирок этиш;

- ўзи ўқитадиган фан дастурини мунтазам фан ва техника ютуқлари асосида бойитиб бориш;
- дарсларни юқори савияда ўтиш;
- фан йўналишига тегишли янги манбаларни топиш ва улар билан талабаларни танишириб бориш;
- ҳар ўкув йили бошлангунга қадар ўзи ўқитадиган фан(лар)нинг ишчи ўкув дастури, календарь режаси ва рейтинг назоратлари жадвалини ишлаб чиқиш ва кафедра мажлисида тасдиқлатиш;
- рейтинг тадбирларини ўз вактида ўтказиш;
- талабалар билимини холисона баҳолаш;
- янги педагогик технологияларни дарс жараёнида қўллаш;
- илмий салоҳият ва педагогик маҳоратини ошириш;
- талабалар илмий-тадқиқот ишларига раҳбарлик қилиш;
- ўзининг мутахассислиги бўйича ишлаб чиқариш корхонаси ва муассасаларда мавжуд муаммолар ҳақида маълумот ва тасаввурларга эга бўлиши ҳамда ишлаб чиқариш жараёнида мавжуд муаммоларнинг ечимиға оид тадқиқот мавзусига эга бўлиш;
- олиб борилаётган тадқиқот мавзуси асосида ўз ёки ҳаммуаллифликдаги ишланма ва технологияларга эга бўлиш;
- мутахассислиги бўйича тегишли муддатларда малака ошириб бориши ёки стажировкадан ўтиш;
- олий таълим тизимида амалга оширилаётган ислоҳотларда фаол қатнашиш.

21. Университет профессор-ўқитувчи ва ходимларининг чет эл хизмат сафарлари Вазирликнинг 13.04.2005 йил 81-сонли буйруғи билан тасдиқланган “Ўзбекистон Республикаси олий таълим муассасаларидан хорижий сафарларга бориш тартиби тўғрисида”ги мувакқат Йўриқнома асосида амалга оширилади.

22. Университетнинг профессор-ўқитувчилари таркиби уч йилда камида бир маротаба малакасини ошириш кафолатини таъминлайди.

23. Университетнинг маъмурий-хўжалик, муҳандислик-техника, ўкув-ёрдамчи ва бошқа хизмат ходимларининг ҳуқуқ ва мажбуриятлари олий таълим муассасасининг Ички тартиб ҳамда одоб аҳлоқ қоидалари ва лавозим йўриқномалари билан белгиланади.

IV. Ўқув-тарбиявий ва илмий-методик ишлар

24. Университет қуидаги йўналиш ва мутахассислар бўйича олий таълим ва олий ўкув юртидан кейинги таълимнинг асосий таълим дастурлари, қўшимча таълим (кадрларни қайта тайёрлаш ва малакасини ошириш)нинг дастурларини амалга оширади:

1) Олий таълим (бакалавриат ва магистратура):

а) ишлаб чиқарishdan ажралган ҳолда (бакалавриат) ўкув шакли кундузги ва сиртқи

- йўналишлар номи:

5220100 Журналистика (фаолият турлари бўйича):

Босма оммавий ахборот воситалари журналистикаси;
Телерадио журналистика;
Интернет журналистика;
Халқаро журналистика;
Спорт журналистикаси;
Ва бошқалар.

рақамсиз Ахборот хизмати ва жамоатчилик билан алоқалар

рақамсиз Медиадизайн

рақамсиз Медиамаркетинг ва реклама

б) магистратура

- **мутахассисликлар номи:**

5A220101 Журналистика (фаолият турлари бўйича):

Босма оммавий ахборот воситалари журналистикаси;
Сиёсий-ҳуқуқий журналистика;
Интернет журналистика;
Спорт журналистикаси;
Медиатаълим;
Ва бошқалар.

5A220101 Олий журналистика курслари

5A220102 Халқаро журналистика

5A220104 Ноширлик иши ва муҳарририлик

5A220105 Ахборот хизматлари технологиялари

5A220103 Телевидение ва радиоэшиттириш

Рақамсиз Медиаменеджмент

25. Университет таълимнинг асосий таълим дастурларини икки босқичда амалга оширади: бакалавриат ва магистратура.

Бакалавриат - таълим йўналиши бўйича фундаментал ва амалий билимлар берувчи, ўқиш муддати 4 йилдан кам бўлмаган таянч олий таълимдир.

Бакалавр дастурини тугатган битирувчиларга давлат аттестацияси якунлари бўйича таълим йўналиши бўйича “бакалавр” даражаси берилади ҳамда давлат намунасидаги диплом топширилади.

Магистратура-йўналишнинг муайян мутахассислиги бўйича фундаментал ва амалий билимлар берувчи, бакалавриат негизида, ўқиш муддати 2 йилдан кам бўлмаган олий таълимдир.

Магистр дастурини тугатган битирувчиларга давлат аттестацияси якунлари бўйича тайёрланган муайян мутахассислик бўйича «магистр» даражаси берилади ва давлат намунасидаги диплом топширилади.

Бакалавр ва магистрлик давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофик таълим муассасаларининг навбатдаги босқичларида ўқишини давом эттириш ёки эгаллаган мутахассислиги бўйича ишлаш хукуқини беради.

Олий таълимнинг турли босқичида асосий таълим дастурлари бўйича дастлабки таълим олиш, иккинчи олий таълим олиш сифатида қаралмайди.

26. Университетда таълим жараёнини ташкил этиш, ўрнатилган тартибда тасдиқланадиган ўқув режалари ва фанларнинг дастурлари, университет ректори (ўқув ва тарбия ишлари бўйича проректор) томонидан тасдиқланган йиллик календарь ўқув жадвали ҳамда машғулотлар жадвали билан тартибга солинади.

Таълим жараёнини мақсадли йўналтириш йўли билан ташкил этиш, яъни таълим шакллари, услугуб ва воситаларни танлаш йўли билан университет талабаларига олий таълимнинг асосий қасбий таълим дастурларини ўзлаштириш учун зарурий шароитларини яратиб берилиши лозим.

Таълим-тарбия жараёнининг бирлиги давлат таълим стандартлари билан таъминланади. Университетнинг ижтимоий - иқтисодий ва гуманитар фанлари кафедралари, маънавий-маърифий ва спорт бўғинларига, талабалар ва бошқа жамоатчилик ташкилотларига, раҳбарлик қилиш ва уларнинг фаолиятини мувофиқлаштириб бориш ўқув ва тарбиявий ишлар бўйича проректор томонидан амалга оширилади.

27. Университетда ўқув машғулотларининг куйидаги асосий турлари белгиланган: маъруза, консультация, семинар, амалий машғулот, лаборатория иши, якка машғулот, назорат иши, мустақил иш, амалиёт, курс лойихаси (курс иши), бакалаврлик битирув малакавий иши ёки битирув ижодий лойихаси, ҳамда магистрлик диссертацияси.

Аудитория машғулотларининг барча турлари учун 80 дақикалик (танаффусиз қўшма маъруза) академик соатлар белгиланган. Ўқув машғулотлари орасидаги танаффус камидаги 10 дақика бўлади.

Таълим ва тарбия олиб бориладиган тиллар: ўзбек, рус, инглиз тиллари ҳисобланади.

28. Университетда кадрлар тайёрлаш ишлаб чиқаришдан ажралган ҳолда олиб борилади.

Университетнинг асосий қасбий таълим дастури доирасида таълим олишининг барча шакллари учун ўрнатилган тартибда ишлаб чиқилган ва “Ўзстандарт” агентлигида давлат рўйхатидан ўтказилган таълим соҳасининг давлат таълим стандарти қўлланилади.

29. Университетда ўқув йили икки семестрга бўлинади ва унинг ҳар бирида талабаларнинг ўзлаштириши рейтинг назорати шаклида олиб борилади.

Ўзлаштирувчи талабаларни курсдан курсга ўтказиш факультет деканининг тавсиясига биноан ректор буйруги билан амалга оширилади. Талабаларни курсдан курсга шартли ўтказиш мумкин эмас.

Университетнинг таълим дастурларини ўзлаштириш, Олий ва ўрта махсус таълим вазирлиги томонидан тасдиқланган ва Адлия вазирлигидан давлат рўйхатидан ўтказилган “Олий таълим муассасалари талабалари билимини назорат қилиш ва баҳолашнинг рейтинг тизими тўғрисидаги Низом”га мувофиқ тартибга солинади, “Ўзбекистон Республикаси олий

таълим муассасалари битиувчиларининг якуний давлат аттестацияси тўғрисидаги Низом”га асосан битиувчиларнинг якуний аттестацияси билан тугалланади.

30. Университетда илғор педагогик ва ахборот технологиялари, мустақил таълим олиш воситаларини, модул тизими ҳамда масофавий таълим беришни кўллаш ҳисобига мутахассислар тайёрлаш сифатини оширишга йўналтирилган илмий-услубий ишлар амалга оширилади.

2) Олий ўқув юртидан кейинги таълим:

Университетда қўйидаги докторантура ва мустақил изланувчилик институти мавжуд:

Докторантура ихтисосликлари номлари:

10.00.09 – журналистика (филология фанлари)

31. Университетда олий ўқув юртидан кейинги таълим доирасида Ўзбекистон Республикаси Вазирлар Маҳкамаси хузуридаги Олий аттестатция Комиссияси томонидан тасдиқланган “Олий малакали илмий ва илмий-педагог кадрлар мутахассисликлари рўйхати”га мувофиқ илмий ва илмий-педагогик кадрларни тайёрлаш, шунингдек фанлар бўйича фалсафа доктори (PhD) ва фан доктори (DSc) илмий даражасини олиш учун диссертациялар тайёрлаш ва ҳимоя қилиш учун олий таълим муассасасига докторант ва мустақил изланувчиларни бириктириш ишлари амалга оширилади.

32. Ўзбекистон Республикаси Президентининг 2015 йил 12 июндаги “Олий таълим муассасаларининг раҳбар ва педагог кадрларни қайта тайёрлаш ва малакасини ошириш тизимини янада такомиллаштириш чора-тадбирлари тўғрисида”ги ПФ-4732-сонли Фармони ҳамда Ўзбекистон Республикаси Вазирлар Маҳкамасининг 2012 йил 26 сентябрдаги “Олий таълим муассасалари педагог кадрларини қайта тайёрлаш ва уларнинг малакасини ошириш тизимини янада такомиллаштириш чора-тадбирлари тўғрисида”ги 278-сон қарорига мувофиқ кадрларни қайта тайёрлаш ва малакасини ошириш бўйича касбий таълим дастурлари амалга оширилади.

Кадрларни қайта тайёрлаш ва малакасини ошириш марказида ўкиш натижаларига кўра ўрнатилган тартибда тасдиқланган давлат намунасидаги сертификат (диплом) берилади.

33. Университетда Кенгаш томонидан тасдиқланган мавзулар, режалар бўйича бажариладиган ишларнинг сифати ҳамда меҳнат хавфсизлиги таъминланган ҳолда талабалар, магистрантлар, катта илмий ходим-изланувчи ва мустақил изланувчилар кенг жалб этилиб, илмий-тадқиқот ва ижодий ишлар олиб борилади.

Илмий-тадқиқотлар қўйидаги маблағлар ҳисобидан молиялаштирилади:

- фан, техника ва маданиятнинг мухим йўналишлари бўйича фундаментал, амалий ҳамда инновацион тадқиқотларни бажариш учун ажратиладиган давлат бюджети маблағлари;

- шартнома асосида соҳавий вазирликлар, идоралар, корхоналар, бирлашмалар ва бошқалар, шу жумладан хорижий ташкилотлар маблағлари;

- олиб борилган илмий-тадқиқот натижаларини ишлаб чиқаришга жорий этиш асосидаги тушумлар;
- бюджетдан ташқари маблағлар;
- ҳомий ташкилот ва корхоналар;
- маҳаллий бюджет маблағалари.

V. Университетнинг таркиби

34. Университетнинг таркибиға қўйидагилар киради:

а) Факультетлар:

Интернет журналистикаси ва ижтимоий тармоқлар факультети

Босма ОАВ ва ноширлик факультети

Телекўрсатув ва радиоэшиттиришлар факультети

Халқаро журналистика, жамоатчилик билан алоқалар факультети

б) кафедралар:

Факультетлараро умумтаълим кафедраси

Босма ОАВ ва ноширлик кафедраси

Интернет журналистикаси ва ижтимоий тармоқлар кафедраси

Телекўрсатув ва радиоэшиттиришлар кафедраси

Халқаро журналистика, жамоатчилик билан алоқалар кафедраси

в) бошқарма, бўлим ва марказлар:

- Юрисконсульт;
- Университет кенгаши котиби;
- Маънавият ва маърифат бўлими;
- Мониторинг ва ички назорат бўлими;
- Ўқув-услубий бўлими;
- Магистратура бўлими
- Ахборот-ресурс маркази
- Илмий-тадқиқотлар, инновациялар ва илмий-педагогик кадрлар тайёрлаш бўлими;
- Иқтидорли талабаларнинг илмий-тадқиқот ишларини ташкил этиш бўлими;
- Халқаро хамкорлик бўлими;
- Ахборот технологиялари бўлими;
- Тахриирий-нашриёт бўлими;
- Бухгалтерия;
- Режа-молия бўлими;
- Ишлар бошқармаси;
- Техник фойдаланиш ва хўжалик бўлими;
- Ўқитишининг техник воситалари бўлими;
- Фуқаро ва меҳнат муҳофазаси бўлими;

- Бош мұхандис;
- Девонхона ва архив;
- Буюртмаларни шакллантириш, битиувчиларни ишга тақсимлаш ва мониторинг бўлими;
- Ходимлар бўлими;
- Таълим сифатини назорат қилиш бўлими;
- 1 ва 2 бўлимлар;
- Қайта тайёрлаш ва малака ошириш маркази.

VI. Университетни бошқариш

35. Университетни бошқариш Ўзбекистон Республикаси қонунчилиги ҳамда ушбу Уставга мувофиқ якка раҳбарлик ва университетнинг Кенгаши, Васийлар кенгаши орқали жамоатчилик бошқарувини уйғунлаштириш тамойили асосида амалга оширилади.

36. Университетни бевосита бошқариш Ўзбекистон Республикаси Президентининг 1992 йил 9 мартдаги 137-ф-сон фармойишида белгиланган тартиб асосида тайинланадиган ректор томонидан амалга оширилади.

Ректор университет фаолиятига, шунингдек, университетнинг Ичкитартиб қоидалари, одоб-аҳлоқ қоидалари ҳамда мазкур Уставда белгиланган мажбуриятлар учун тўла масъулдир.

Ректор Ўзбекистон Республикаси қонунчилигига мувофик университет номидан иш олиб боради, барча идоралар, муассасалар, корхоналарда унинг вакили сифатида қатнашади, университетнинг мол-мулкига масъуллик қиласи, шартномалар тузади, ишончномалар беради, банк муассасаларида университетнинг ҳисоб рақамларини очади, молиявий маблағлардан ўрнатилган тартибда фойдаланиш бўйича фармойишлар беради.

Ректор университетнинг ваколати доирасида:

- университетнинг барча ходимлари, талабалари ва бошқа таълим олаётганлар учун мажбурий бўлган буйруқлар чиқаради ва топшириклар беради;
- Олий ва ўрта маҳсус таълим вазирлиги билан келишилган ҳолда факультет деканлари, ишлар бошқармаси бошлиғи ва бош бухгалтерни лавозимига тайинлайди ҳамда лавозимидан озод қиласи;
- университет проректорлари лавозимига номзодларни тавсия этади ва проректорлар, деканларнинг муайян вазифалари ҳамда масъулиятларини белгилайди;
- университет ходимлари ва хизматчиларини, шунингдек илмий-педагогик ходимларни Ўзбекистон Республикаси меҳнат қонунчилиги ва Вазирлар Маҳкамаси томонидан белгиланган тартибда ишга олиш ва бўшатишни амалга оширади;
- юридик хизмати ходимларини тегишли адлия органи билан келишилган ҳолда лавозимга тайинлайди ва лавозимдан озод этади;

- университет таркибига кирган илмий-тадқиқот, тажриба-экспериментал ҳамда бошқа ташкилот ва бўлинмаларнинг вазифаларини белгилайди ва улар тўғрисидаги низомларни тасдиқлайди;

- университет ходимларининг лавозим маошларига ҳар ойлик устамалар ва қўшимчаларни белгиланган тартибда белгилайди (ректор ва проректор бундан мустасно);

- касаба уюшма қўмитаси ёки университетнинг бошқа ваколатли органи билан келишган ҳолда университетнинг Ички-тартиб қоидаларини тасдиқлайди;

- университетнинг амалдаги қонун ҳужжатлари ёки вазирликнинг норматив-хукукий ҳужжатлари бузилган ҳолда чиқарилган буйруқларини бекор қиласди;

- университетда Намунавий штат бирликларига мувофиқ ажратилган маблағлар ҳамда иш ҳақи фонди, тасдиқланган университет ходимларининг сони ва лавозим маошлари, тариф сеткаси доирасида университет профессор-ўқитувчилари таркиби ва университет ходимларининг штат бирлигини тасдиқлайди ҳамда лавозим маошларини белгилайди;

- университет Кенгашининг тавсиясига кўра ўрнатилган тартибда тегишли норматив-хукукий ҳужжатларга мувофиқ факультетларни, кафедраларни очиш ёки ёпиш қарорларини тасдиқлайди.

“Олий таълим муассасасининг кафедраси тўғрисидаги Низом” талабларидан келиб чиқсан ҳолда университет Кенгашининг тавсиясига кўра кафедраларнинг номи ўзгартирилади, кафедралар ташкил этилади ёки тугатилади.

Университет ректорига ўзи ишлаётган университетда ва ундан ташқарида ҳақ тўланадиган бошқа раҳбарлик лавозимида (илмий ва илмий-методик раҳбарликдан ташкари) ўриндошлик бўйича ишлашга рухсат этилмайди. Ректор ўз вазифаларини ўриндошлик бўйича бажариши мумкин эмас.

37. “Олий таълим тўғрисидаги Низом”га мувофиқ Университетда университет фаолиятининг асосий масалаларини кўриш учун **Кенгаш ташкил этилади**.

Кенгаш таркибига ректор, проректорлар, факультетлар деканлари ҳамда мутахассислар тайёрловчи кафедралар мудирлари, шунингдек, талабалар ва олий таълим муассасаси ходимлари касаба уюшмаси кенгаши вакиллари ҳамда Ёшлар иттифоки вакиллари киради. Ректор университет кенгаши раиси ҳисобланади. Кенгашининг бошқа аъзолари умумий мажлисда (конференцияда) яширин овоз бериш йўли билан сайланади. Профессор-ўқитувчилар таркибидан Кенгашга сайланадиганлар сони ректор буйруғи билан белгиланади.

Университет Кенгаши университетнинг умумий раҳбарлигини амалга оширадиган коллегиал орган ҳисобланади. Университет Кенгаши аъзоларининг сони университет ходимлари ва талабалари сонига нисбатан белгиланади.

- университет Кенгаши университетнинг бошқарув органлари ва

бўлимлари таклифларини инобатга олган ҳолда иш режасини тузади.

- Кенгашининг қарори, агар овоз беришда Кенгашнинг тасдиқланган таркибидаги аъзоларининг камида учдан икки қисми қатнашган бўлса, ваколатли ҳисобланади. Кенгашнинг овоз беришда қатнашган аъзоларининг кўпчилик овозини олган бироқ камида 50 фоиз овози бўлса, қарор қабул қилинган деб ҳисобланади.

38. Университет Кенгашининг ваколатлари:

-конференцияларни ташкил этиш, шунингдек унинг ўтказилиши билан боғлиқ бошқа масалаларни ҳал қилиш тўғрисида қарор қабул қилиш;

-университетни ривожлантиришни асосий истиқболли йўналишларини шу жумладан унинг таълим ва илмий фаолиятини белгилаш;

-ўқув жараёнини ташкил этишнинг асосий масалалари, шу жумладан талабаларни қабул қилиш қоидаларини белгилаш, ўқув режасини тузиш, талабаларни ўқитишнинг амалдаги тартибини тартибга солиш, якуний назоратлар бўйича талабаларни ўзлаштириши натижаларини кўриб чиқиш;

-молиявий-хўжалик фаолиятини режасини ва университетни ривожлантириш дастурини кўриб чиқиш;

-университет ректорининг йиллик хисоботларини тинглаш;

-таълим масалалари, илмий-тадқиқот масалалари бўйича ахборот таҳлилий, молиявий-иқтисодий фаолиятини ва шунингдек университетнинг ҳалқаро ҳамкорлик масалалари бўйича қарорларини қабул қилиш;

-университет Кенгашининг иш режасини тасдиқлаш;

-университет профессор-ўқитувчиларидан номзодларни илмий унвонлар олишга тавсия қилиш;

-университетнинг фаолиятини амалга оширувчи таркибий бўлимларни тузиш ва тугатиш тўғрисида қарорлар қабул қилиш (илмий, илмий-тадқиқот ва илмий-техник лаборатория фаолиятини амалга ошириш, илмий-техник фаолиятини амалга оширувчи бошқа ташкилотларнинг таълим фаолиятини амалга оширувчи бўлимлар ташкил этиш ва тугатиш тўғрисида);

-университет педагогик ходимларини Кенгашда танлов бўйича ўтказиш;

-университет ходимларини Давлат мукофотларига тавсия бериш;

-университет Кенгashi томонидан тасдиқланган қоидалар асосида фахрий унвонлар бериш;

-университетда талабалар учун стипендия масалаларини тартибга солувчи қоидаларни тасдиқлаш;

-Давлат ва номдор стипендияларига талабалар номзодларини тавсия қилиш.

39. Университетда Васийлар кенгashi университетни бошқарувчи жамоатчилик органи ташкил этилади ва унинг таркибига муассасалар, вазирликлар, маҳаллий ҳокимият, ишбилармон доиралар, жамоатчилик ташкилотлари, жамғарма ва васийлар ҳамда бошқа таълим муассасаларининг вакиллари киради.

Васийлар кенгашининг ваколатлари, шакллантириш таркиби ва фаолияти “Васийлар кенгashi тўғрисида”ги Низом билан белгиланади. Васийлик

кенгаши университет ректори вазифасини бажарадиган муддатга тайинланади.

40. Университетда касаба уюшмаси ва бошқа жамоатчилик ташкилотлари фаолият кўрсатади.

Профессор-ўқитувчилар ва ходимларнинг хукуқий манфаатларини ҳимоялашни касаба уюшмаси марказий кенгаши ҳамда уларнинг университетда сайланган вакили амалдаги конунчилик асосида ўз иш фаолиятини олиб боради.

41. Университетнинг мажбуриятлари:

-университет муваффакиятли фаолият юритишига, меҳнат маданияти ва интизоми кўтарилишига эришиш, ишловчиларнинг касб маҳоратини юксалтириш, тариф ставкаларини амалдагиларига нисбатан пасайишига йўл қўймаслик;

-ишлаб чиқариш дастурини бажариш учун меҳнат жамоасини моддий-техник ресурслар ва молиявий маблағлар билан ўз вақтида таъминлаб бориш;

-меҳнат унумдорлигини юксалтириш, илгор тажрибани ўзлаштириш, фан ва техника ютукларини амалиётга жорий этиш учун барча шарт-шароитларни яратиш;

-ишлаб чиқариш дастурининг бажарилиши, университетнинг молиявий аҳволи ва олинган фойданинг ишлатилиши ҳақида меҳнат жамоасини мунтазам хабардор қилиб бориш;

-университетнинг ўзида, ходимлар учун касбий тайёргарлик, бошқа касбга ўргатиш, малака ошириш ишларини олиб бориш;

-жамоа шартномасини тузишга, унинг бажарилиши устидан назоратни йўлга қўйишга, шунингдек, Ўзбекистон Республикасининг Меҳнат кодексида, бошқа қонунларида, университетнинг таъсис ҳужжатларида, жамоа келишувларида ҳамда жамоа шартномасида назарда тутилган бошқа масалаларга оид маълумотларни Касаба уюшма қўмитасига тақдим этиб бориш;

-белгилаб қўйилган меҳнат тартиби доирасида касаба уюшма қўмитаси билан ҳамкорлик қилиш, ўзаро таклифлар ва талабларни ўз вақтида кўриб чиқиш, меҳнат баҳсларини музокара йўли билан ҳал этиш.

Амалдаги низомларга мувофиқ университетда илмий-услубий, илмий-техник кенгашлар ва комиссиялар, ёш олимлар кенгаши ва бошқалар ташкил этилиши мумкин. Ректорат ва Кенгаши ўз фаолиятида университет жамоат ташкилотларининг тавсияларини кўриб чиқади ва ўз фаолиятларида уларни хисобга олади.

42. Университетнинг факултет деканлари ректор тавсиясига кўра Олий ва ўрта маҳсус таълим вазирлиги билан келишилган ҳолда тайинланади. Факултет декани ўз фаолиятида “Факултет тўғрисида”ги Низомга амал қиласди. Факултетда кенгаш ташкил этилади, Кенгашнинг таркиби, ваколатлари, шакллантириш ва фаолиятининг тартиби “Факултетнинг Кенгаши тўғрисида” ги Низом билан белгиланади.

43. Кафедра фаолиятига Ўзбекистон Республикаси Вазирлар Маҳкамаси

томонидан тасдикланган Низомга мувофиқ танлов асосида университетнинг Кенгashi томонидан сайланадиган кафедра мудири раҳбарлик қилади. Кафедра мудирининг ваколатлари ва кафедра фаолиятининг тартиби “Олий таълим муассасасининг кафедралари тўғрисида”ги низом асосида ва хизмат мажбуриятлари билан белгиланади.

VII. Молия-хўжалик фаолияти ва моддий-техник база

44. Университетга ушбу Уставда назарда тутилган фаолиятни амалга ошириш ва фойдаланиш мақсадида давлат томонидан бинолар, ишоотлар, мулкий мажмуалар, университетнинг паспортига мувофиқ асбоб-ускуналар, шунингдек истеъмол, ижтимоий, маданий ва бошқа мақсадлар учун зарур бўлган мулклар биритирилган.

Университет Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган обьектлар қаторига киритилган. Университетга ажратилган ер участкалари муддатсиз бепул фойдаланиш учун биритирилган.

45. Университетга жисмоний ва юридик шахслардан совға, ҳадя ёки васият бўйича берилиган пул маблағлари, мол-мулк ва бошқа мулкий обьектларга, университет фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинадиган мулкий обьектларга эгалик қилиш ҳуқуки берилиган.

46. Университет мол-мулкни ижарага олувчи ва мол-мулкни ижарага берувчи сифатида фаолият кўрсатиш ҳуқуқига эга. Ўзбекистон Республикасининг Фуқаролик кодекси ва Ўзбекистон Республикаси Вазирлар Маҳкамаси томонидан тасдикланган “Давлат мулкини ижарага бериш тартиби тўғрисидаги Низом”га мувофиқ университет ўзига биритирилган ижарага берилиши қонун хужжатларига зид бўлмаган бинолар, ишоотлар ва уларнинг қисмлари, асбоб-ускуналар, транспорт воситалари шаклидаги давлат мулки ва бошқа мол-мулкларни Кенгашнинг розилиги билан тасарруф этиш ҳуқуқисиз, белгиланган нархлар бўйича ижарага беришни амалга оширади.

Ижара ҳаки сифатида олинган маблағларнинг тегишли қисми таълим жараёнини ривожлантириш учун фойдаланилади.

47. Университетнинг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет маблағлари, давлат томонидан белгиланган меъёrlаридан келиб чиқсан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек бюджетдан ташқари маблағлар, жумладан талабалар ва тингловчиларни ўқитиш учун белгиланган тартибда олинган тўлов-шартнома асосидаги маблағлар ҳамда қонун хужжатларида тақиқланмаган бошқа манбалар ҳисобига амалга оширилади.

48. Университетнинг асосий фаолиятидан четланмаган тартибда таълим ва бошқа соҳаларда пуллик хизмат фаолиятини амалга ошириш мумкин. Университетда шуғулланадиган тадбиркорлик фаолияти унинг уставида

белгиланган вазифаларга мос келиши керак.

Университет пуллик таълим хизматлари, консультациялар ва бошқа хизматлар учун нархларни белгилаш, солиқ ва қонунчиликда назарда тутилган бошқа мажбурий тўловлардан сўнг қолган даромадни мустақил тасарруф этиш ҳукуқига эга.

Университет Ўзбекистон Республикаси қонунчилигига ҳамда мазкур Уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қиласди.

49. Университетда лавозим маошлари “Олий таълим муассасалари ходимлари меҳнатига ҳақ тўлаш тўғрисида”ги норматив-ҳукукий ҳужжатларга мувофиқ белгиланади. Университет ходимига лавозим маоши, ўз функционал вазифаларни ҳамда меҳнат шартномасида назарда тутилган ишларни бажарганилиги учун тўланади. Кўшимча маош, устама, моддий ёрдам ва бошқа моддий рағбатлантириш тадбирларининг ҳажмини университет мустақил, иш ҳақи фонди доирасида қонунчиликда назарда тутилган тартибда ва ҳажмда белгилайди.

50. Университетда ташкил этилган жамоат ташкилотларига фаолият кўрсатишлари учун зарур бўлган хоналарни ажратади. Университет худудида жойлашган тиббиёт таянч маскани ҳамда талабалар, тингловчилар ва ходимларга хизмат кўрсатувчи ошхона, буфетлар ва бошқа умумий овқатланиш муассасаларига иситиш, ёритиш ва сув таъминоти билан таъминланган хоналар ажратилади.

Университетнинг тегишли биноларини таъмирлаш, реконструкция қилиш ёки янгиларини қуриш, уларнинг молиявий таъминоти қонунчиликда белгиланган тартибда амалга оширилади.

VIII. Халқаро ҳамкорлик

51. Университет Ўзбекистон Республикаси “Таълим тўғрисида”ги Қонунининг 33-моддасига мувофиқ таълим муаммолари юзасидан халқаро ҳамкорликда иштирок этадилар, чет давлатларнинг тегишли ўкув юртлари билан бевосита белгиланган тартибда алоқалар ўрнатиш ҳукуқига эга.

Чет эл фуқароларини ўқитиш, қайта тайёрлаш ва уларнинг малакасини ошириш, таълим муассасаси илмий-педагогик ходимларининг Ўзбекистон Республикаси худудидан ташқарида ўқитувчилик ва илмий-тадқиқотчилик ишлари давлатлашаро органининг хорижий давлатларнинг таълимни бошқариш бўйича тегишли органлари орасидаги шартномалар, шунингдек университетнинг қонунчиликка мувофиқ чет эл фуқаролари ва хорижий юридик шахслар билан бевосита тузган шартномалари асосида амалга оширилади.

Университетнинг Кенгашининг қарорига биноан хорижий давлатларнинг олий ўкув юртлари билан ҳамкорлик тўғрисидаги тузилган шартномалар асосида ўзаро манфаатли илмий тадқиқотлар ўтказиш, факультет, кафедралар ташкил этиш, илмий тадбирлар ўтказиш ҳамда Университет ва хорижий давлат олий ўкув юртлари талабалари, стажер-тадқиқотчи-изланувчилар ва катта илмий ходим-изланувчилар, педагогик ва

илмий ходимлари билан икки томонлама алмашиш дастурларини ташкил этиш.

Хорижий профессор-ўқитувчи ва мутахассисларни дарс бериш жараёнига қисқа муддатли ва узоқ муддатли шартнома асосида жалб этиш.

52. Ўзбекистон Республикасининг халқаро шартномалари деб қаралиши мумкин бўлмаган, хорижий шериклар билан ҳамкорликдаги фаолият тўғрисида белгиланган тартиб асосида шартномалар тузиш хукукига.

53. Университет Ўзбекистон Республикасининг қонунчилигига мувофиқ ушбу Уставда назарда тутилган ва “Таълим тўғрисида”ги конуни ҳамда Кадрлар тайёрлаш миллий дастурида белгиланган вазифаларни бажаришга, шунингдек халқаро алоқаларни ривожлантиришга йўналтирилган ташки иктиносидий билан шуғулланиш хукукига эга.

IX. Якуний қоидалар

54. Университет Ўзбекистон Республикаси қонунчилигига белгиланган тартибда куйидагиларга жавоб беради:

-унинг ваколатига киритилган вазифаларни бажармаганлиги ёки етарли даражада ва сифатсиз бажарганлиги;

-таълим жараёнида ўқув режа ва жадвалларга мувофиқ таълим дастурлари ҳажмини тўлиқ бажармаганлигига;

-таълим жараёни вақтида университетда талабалар, тингловчилар, докторантлар, профессор-ўқитувчилар ва бошқа ходимларининг ҳаёт хавфсизлигига;

-таълим олувчилар ва университет ходимларининг хукук ва эркинликларнинг бузилганлигига;

-Ўзбекистон Республикасининг қонунчилигига назарда тутилган бошка хатти-харакатларга.

55. Университет Ўзбекистон Республикаси амалдаги қарорларига мувофиқ белгиланган тартибда қайта ташкил қилиниши ёки тугатилиши мумкин.

56. Мазкур Устав Олий ва ўрта маҳсус таълим вазирининг буйруғи билан тасдиқлангандан сўнг, ўрнатилган тартибда давлат рўйхатидан ўтказилади ва кучга киритилади.

Ушбу Уставга ўзгартириш ёки кўшимчалар киритиш Олий ва ўрта маҳсус таълим вазирлигининг буйруғига мувофиқ белгиланган тартибда амалга оширилади.

Ректор



Ш.Курратходжаев